

نعت شریف

یثرب دا دلدار دلارا دل دی آس پجائی جیویں
واہ ابر کرامت کرم کیتے چا مہر دا مینہں برسائی جیویں
بھاگ سہاگ تے بخت والا بختا ور پھیرا پائی جیویں
ہیں بیوس بیکس امت دے سر رمجھم مینہں برسائی جیویں
واہ لج پرور سرور لجدارا کل تقصیر مٹائی جیویں
ہیں اجڑے انگن اگواڑ اجاڑ کون رشک بہار بنائی جیویں
تیڈے لال لباں دی لالی توں تھی لال دی آب سوائی جیویں
تیڈے درج دہن دردنداں توں درعدن کون ہرے زیبائی جیویں
پومے فلک لسک انوار جھلک جگ مسک دینال مسائی جیویں
مہتاب موہن متوالین دی تیڈی صورت سرت بھلائی جیویں
حسن یوسف دا ڈیکہ زلیخا گل وچ گاری پائی جیویں
تیڈا ڈیکہ حسن خود حضرت یوسف بیٹھا دل لٹوائی جیویں
امے پٹواں جڈہیں دا پٹوں سکھیا بیٹھا درتے پلڑو وچھائی جیویں
خود کرن سخاوت سخیاں کون ہرے تیں ایہاریت سکھائی جیویں
ہرے عبدالغفار بیکار بیکس سٹ ساری آس پرائی جیویں
بن درشن دل دیوانی تھی نہیں سہندی دل جدائی جیویں